

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj:02/5233
Dana:17.08.2018. godine

MINISTARSTVO UNUTRAŠNJIH POSLOVA KANTONA SARAJEVO
-n/r MINISTRA

**PREDMET:Tumačenje člana 122. stav (1) tačka c) Zakona o policijskim službenicima
Kantona Sarajevo, akt, d o s t a v l j a s e . -**

U prilogu akta, dostavljamo Vam akt koji je potrebno uputiti Zakonodavno-pravnoj komisiji Skupštine Kantona Sarajevo radi tumačenja u vezi primjene člana 122. stav (1) tačka c) Zakona o policijskim službenicima Kantona Sarajevo („Službene novine Kantona Sarajevo“, broj:25/06 i 4/08) u odnosu na odredbe Zakona o penzijskom i invalidskom osiguranju („Službene novine Federacije BiH“, broj:13/18).

PRILOG : -Kao u tekstu . -

POLICIJSKI KOMESAR
Generalni inspektor policije
Mevludin Halilović

17-08-2018

OTPISAN
Broj. _____
Datum _____



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-
Dana: 16.08.2018. god.

SKUPŠTINA KANTONA SARAJEVO ZAKONODAVNO-PRAVNA KOMISIJA

PREDMET: Tumačenje člana 122. stav (1) tačka c) Zakona o policijskim službenicima Kantona Sarajevo, tražimo,-

Članom 122. stav (1) tačka c) Zakona o policijskim službenicima Kantona Sarajevo ("Službene novine Kantona Sarajevo", broj: 25/06 i 4/08) propisano je da policijskom službeniku prestaje radni odnos kada navrši 65 godina života i zakonom propisani penzioni staž ili 40 godina penzionog staža.

Članom 97. pomenutog zakona je propisano da se Zakon o radu Federacije, ostali zakoni, podzakonski akti i kolektivni ugovori kojima se uređuju prava i obaveze iz radnih odnosa primjenjuju na policijske službenike ukoliko nije drugačije određeno ovim zakonom. Zakonom o policijskim službenicima Kantona Sarajevo nije propisana definicija pojma "penzioni staž", zbog čega se definicija navedenog pojma primjenjuje iz propisa koji se odnosi na oblast penzijsko-invalidskog osiguranja.

U vrijeme kada je donesen Zakon o policijskim službenicima Kantona Sarajevo na snazi je bio Zakon o penzijskom i invalidskom osiguranju ("Službene novine Federacije BiH", broj: 29/98, 49/00, 32/01, 73/05, 59/06, 4/09 i 55/12) koji je propisivao da osiguranik stiče pravo na starosnu penziju kada navrši 65 godina života i najmanje 20 godina penzijskog staža ili osiguranik stiče pravo na starosnu penziju kada navrši 40 godina penzijskog staža bez obzira na godine života (član 30. navedenog Zakona). U skladu sa navedenim odredbama Zakona o PiO-u utvrđeni su uslovi sadržani u članu 122. stav (1) tačka c) Zakona o policijskim službenicima KS.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Imajući u vidu činjenicu da je donesen novi Zakon o penzijskom i invalidskom osiguranju ("Službene novine Federacije BiH", broj: 13/18), koji je stupio na snagu 01.03.2018.godine, a koji u članu 40. propisuje da pravo na starosnu penziju ima osiguranik kada navršši 65 godina života i najmanje 15 godina staža osiguranja, odnosno najmanje 20 godina penzijskog staža ili kada navršši 40 godina staža osiguranja bez obzira na godine života, evidentno je da odredbe člana 122. stav (1) tačka c) Zakona o policijskim službenicima KS ne odgovaraju uslovima iz naprijed navedenog člana novog Zakona o PiO-u.

Nadalje, članom 94. Zakona o radu ("Službene novine Federacije BiH", broj: 26/16) propisano je da Ugovor o radu prestaje kada radnik navršši 65 godina života i 20 godina staža osiguranja, ako se poslodavac i radnik drugačije ne dogovore ili kada se na osnovu evidencija utvrdi da radni odnos radnika traje 40 godina ako se poslodavac i radnik drugačije ne dogovore.

Nadležna organizaciona jedinica Uprave policije MUP-a KS nakon stupanja na snagu novog Zakona o penzijskom i invalidskom osiguranju nije pripremala rješenja o prestanku radnog odnosa po osnovu člana 122. stav (1) tačka c) Zakona o policijskim službenicima - 40 godina penzionog staža, zbog toga što bi takva rješenja bila kontradiktorna sa odredbama navedenog federalnog zakona o PiO i ista bi generisala tužbe i sudske postupke, te samim tim i značajna materijalna potraživanja i dodatna finansijska opterećenja za Budžet. U pogledu utvrđivanja uslova koje policijski službenik treba da ispunjava kako bi mu se donijelo rješenje o prestanku radnog odnosa zbog odlaska u starosnu penziju primjenjen je propis koji je lex specialis za ostvarivanje prava iz oblasti penzionisanja i koji je višeg nivoa u odnosu na kantonalni propis – Zakon o penzijskom i invalidskom osiguranju ("Službene novine Federacije BiH", broj: 13/18).

U vezi sa navedenom problematikom donošenja rješenja o prestanku radnog odnosa po ispunjavanju propisanih uvjeta, molimo za vaše tumačenje u vezi primjene člana 122. stav (1) tačka c) Zakona o policijskim službenicima Kantona Sarajevo ("Službene novine Kantona Sarajevo", broj: 25/06 i 4/08) u odnosu na citirane odredbe Zakona o penzijskom i invalidskom osiguranju ("Službene novine Federacije BiH", broj: 13/18).

Molimo za hitnost u postupanju.

S poštovanjem,

MINISTAR

Vedran Mulabdić



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, 286-702,
Fax: + 387 (0) 33 226-445
Sarajevo, La Benevolencije 16

